



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

109. Crediti Nobis &c. Approbatio & Confirmatio Regularum Collegii, seu
Seminarii Missionariorum in Conventu Assisien. Ordinis Fratrum Minorum
Sancti Francisci Conventualium nuncupatorum, donec ...

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

ANNO. 1708.

fablata eis, & eorum cuilibet quavis aliter iudicandi, & interpretandi facultate, & autoritate iudicari, & definiti debere, ac irritum, & inane, si secus super his à quoquam quavis autoritate scienter vel ignoranter contigerit attentari.

Amplissima derogatio quibuscumque contrariis

§. 4. Non obstantibus præmissis, ac quatenus opus sit nostra, & Cancellariæ Apostolicæ Regula de Jure quæsito non tollendo, & in Conciliis etiam universalibus editis generalibus, vel specialibus constitutionibus, & ordinationibus, nec non Parochialis Ecclesiæ prædictæ, aliisque quibusvis sub quibuscumque etiam Juramento, confirmatione Apostolica, vel quavis firmitate alia roboratis statutis, & consuetudinibus, etiam immemorabilibus, privilegiis quoque, indultis, & literis Apostolicis eidem Parochiali Ecclesiæ, dictoque illius Rectori, seu Parocho, aliisque quibusvis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis, etiam motu, scientia, & potestatis plenitudinæ paribus, seu aliis quomodolibet in contrarium præmissorum concessis, confirmatis ac plurius innovatis, & approbatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialibus, specifica, expressa, & individua, ac de verbo ad verbum, non autem per clausulas generales idem importantes mentio; seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata exprimerentur, & infererentur, præsentibus pro plenè, & sufficienter expressis, & insertis habentes, illis aliàs in suo robore permanentibus, ad præmissorum effectum, hac vice dumtaxat specialiter, & expressè derogamus, cæterisque contrariis quibuscumque. Datum Romæ apud Sanctam Mariam Majorem sub Annulo Picatoris die xviii. Augusti MDCCVIII. Pontificatus Nostri Anno Octavo.

F. Oliverius.

CIX.

APPROBATIO

Et Confirmatio Regularum Collegii, seu Seminarii Missionariorum in Conventu Assisien. Ordinis Fratrum Minorum Sancti Francisci Conventualium nuncupatorum, donec aliter provideatur, destinati.

CLEMENS PAPA XI.

Ad futuram rei memoriam.

Proemium.

Crediti Nobis cælestis Sacrosancti Apostolatus officii ratio exigit, ut illis, quæ pro Collegio, seu Seminario Christianæ Religionis propagandæ, Catholicæque Fidei tuendæ consilio sapienter institutorum directione, felicique progressu, providè constituta esse noscuntur quo firmius subsistant, & serventur exactius, Apostolici muniminis adjungamus firmitatem.

§. I. Expoferunt siquidem Nobis nuper Venerabiles Fratres Nostri Sanctæ Romanæ Ecclesiæ Cardinales, negotiis Propagandæ Fidei præpositi, quod cum Nos aliàs juxta Decretum, quod prius, nempe in Congregatione eorumdem Cardinalium die 3. Octobris 1707. coram Nobis habita edideramus, Dilectis Filiis quorundam Religiosorum Ordinum Superioribus præcepissemus, ut omninò, & quamprimum suo quique in Ordine

Conventum aliquem, veluti pro Seminario Missionariorum ad instar Seminariorum, seu Collegiorum in Sancti Pancratii propè, & extrà muros Urbis Ordinis Fratrum Beatæ Mariæ Virginis de Monte Carmelo Discalceatorum nuncupatorum, & Sancti Petri in Monte Aureo de eadem Urbe Ordinis Fratrum Minorum Sancti Francisci de Observantia Reformatorum etiam nuncupatorum Conventibus respectivè institutorum deputarent, in quo diù, ac diligenter vocatio, & spiritus eorum, qui Missionibus destinarentur, probaretur, illique etiam ibidem de omnibus, quæ ad hoc Apostolicum ministerium cum laude, & fructu exercendum utilia, & necessaria forent, plenè instruerentur; quatenus verò in aliquo ordine Conventus hujusmodi destinatio ad hunc effectum tantùm, non tam citò fieri posset, donec ea fieret, ea omnia in aliquo Conventu, vel domo ejusdem Ordinis, ubi Regularis observantia magis vigeret, executioni mandarentur; novissimè, nempe die 23. Septembris 1709. memorati Cardinales Collegium, seu Seminarium hujusmodi pro Missionariis Ordinis Fratrum Minorum Sancti Francisci Conventualium nuncupatorum, rematurè discussà, in Conventu Assisien. ejusdem Ordinis juxta oblationem dilecti Filii moderni Ministri Generalis ipsius Ordinis, donec aliter provideatur, destinandum esse decreverunt, ac proinde Dilecto Filio Nostro Josepho ejusdem Sanctæ Romanæ Ecclesiæ Cardinali Vallemano nuncupato, Ordinis prædicti apud Nos, & Sedem Apostolicam Protectori, nec non Dilecto Filio Magistro Sylvio de Cavalieriis in utraque Signatura Nostra Referendario, dictæ Congregationis Cardinalium Secretario commiserunt, ut Regulas pro ejusdem Collegii, seu Seminarii salubri directione ad instar duorum præfatorum Collegiorum S. Pancratii, & S. Petri in Monte Aureo conficerent, prout ab eis reipia confectæ fuerunt tenoris, qui sequitur, videlicet.

I. Pater Generalis destinet, & assignet locum, seu Dormitorium in dicto Conventu Assisien. cum suis Cellis pro decem saltem Religiosis, quæ sint distinctæ, & separatæ ab aliis Dormitoriis, necnon alias Cellas in eodem loco, sive alio huic viciniore pro Lectoribus juxta numerum inferius præfigendum, cum inscriptione apponenda in principio, vel in parte aptiori dicti Dormitorii assignandi.

Collegium, seu Seminarium Missionum.

II. Cum munus Missionum verè sit Apostolicum, incumbat idem Pater Minister Generalis eligere Religiosos Regulari disciplina, probitate morum, ac zelo gloriæ Dei præditos & ad animarum salutem, eximia charitate accensos, qui velut Candelabra supra Montium jugis sita, tenebras tam infidelitatis, quam Hæreses pro viribus dissolvant, quique nec minores sint annis viginti quinque, nec trigessimum quintum excedant, ac robusta corporis valetudine polleant, aptique sint ad laborandum in Vineâ Domini; Theologia quoque cursum expleverint, ac Lectores, seu Concionatores fuerint, aut saltem in Morali Theologia versati, & non ex sola Italia, sed ex omnibus Provinciis advocari curet, & plures etiam ex una Provincia, si tamen possibile sit, major pars colligatur ex Provinciis status Ecclesiastici, dummodo prædictas qualitates habeant, moneatque insuper Provinciales, Guardianos, aliosque, si opus fuerit Religiosos, ne accedere volentes ullo modo retrahant, & contra tales dissuadentes, & malè consulentes pœnas comminetur privationis activæ, & passivæ vocis, aliisque arbitrio Sacræ Congregationis.

Causa erectionis Studii eu Seminarii.

Erectio Seminarii decretur pro nunc in Conventu Assisi ad instar illorum S. Pancratii, & S. Petri in Monte Aureo.

Regule pro Seminario præscriptæ. Dormitorium assignandum à P. generali in Conventu Assisi, cum Cellis pro decem studentibus, & aliis pro Lectoribus.

Titulus Collegii. Qualitates eligendorum.

Non minores 25. annorum nec majores 35.

Ex omnibus Provinciis colligendi. & status Ecclesiastici.

Pœna contra Dissuadentes accedere ad Collegium.

Exercitia spiritalia in ingressu à singulis peragenda.

Formula juramenti præstandi à studentibus.

Quandò ibi debeant morari.

Collegiales & Lectores sub sint in omnibus Guardianis.

Habeantur tanquam de familia.

Vestiarium à Provincialibus vel Guardianis Assisii subministrandum.

Numerus Lectorum.

Privilegia eorumdem.

Onus Lectoris Contraversiarum.

III. In ipso ingressu singuli exercitia spiritalia peragant per decem, aut saltem octo dies, cum omne datum optimum, & omne donum perfectum deforsum sit descendens à Patre Luminum; & deinde immediatè in manibus Patris Generalis, aut eo absente, ipsius Vicarii, vel alterius ab eo deputandi juramentum; juxta infra scriptam formulam præsentent, illudque ad Sacram Congregationem transmittatur Formula Juramenti talis est.

Ego Frater N. professus in Conventu N. Provinciae N. Ordinis Minorum Conventualium S. Francisci juro, & promitto in manibus Paternitatis Vestrae Reverendiss. N. sive Patris Vicarii, aut Superioris Conventus S. Francisci Assisien. ab hoc Seminario non discessurum, neque discedere procuraturum mediatè, vel immediatè per me, vel per interpositam personam, nisi ex legitima causa admittenda à Paternitate Vestra Reverendissima, vel à vestris Successoribus canonicè intrantibus, & non alias &c. Insuper pro Fidei Catholicae propagandæ causa, ac salute Infidelium procuranda, ad eum locum, Provinciam, seu Regnum sine aliqua repugnantia, aut exceptione quancumque iturum, ad quam, seu quod à Paternitate Vestra Reverendissima ero destinatus, & missus; sic me Deus adjuvet, & hæc Sancta Dei Evangelia. Ego NN. affirmo, ut supra manu propria.

IV. In dicto Seminario permaneant spatio duorum annorum, & non ultra, nisi fortasse cum aliquo ob insignis spem profectus, vel alia legitima causa censuerint Lectores protrahendam esse moram ad triennium, idque cum dispensatione in scriptis Patris Generalis, & Sacrae Congregationis.

V. In omnibus Collegiales sub sint, prout etiam Lectores ob dientia Guardiani, sicuti ceteri Fratres de familia, ac ceteri Lectores, ac de his habeatur, dum in seminario permanferint, eadem ratio, ac si hujus Provinciae Fratres essent, tum circa præcedentiam juxta susceptionem habitus, tum circa reliqua eorum Religiosis necessitatibus convenientia, de quibus Pater Guardianus non secus, ac reliquos sui Conventus Fratres, eos providebit sub iisdem penis, quæ contra Guardianos, id ipsum suis Fratribus præstare negligentes à Statutis decretæ sunt; Vestiarium verò Pater Generalis, vel à propriis Provincialibus eis debito tempore, vel à Guardianis Assisii, pro cuius intentione Studentes, ac Lectores Missas celebrare debeant, subministrari curet.

VI. Concedat Guardianus hujusmodi Collegialibus parvum Hortum cum sua fera, si commodè fieri poterit, ubi sejunctim ab aliis honestè refici, ac invicem in linguis cum suis Lectoribus sese exercere valeant.

VII. Duo semper in hoc Seminario ad minus adsint Lectores, Contraversiarum alter & alter seu plures, qui calleant linguam, qua uruntur Peloponesenses, Constantinopolitani, Transilvani, Moldavi, Valachi, in quorum Regionibus dicta Religio Missiones habet; ita tamen, ut non nisi prævio examine coram Superiori Generali faciendo, sive per eum delegando, & confirmatione Sacrae Congregationis admittantur, si idemque injungatur serio sedulitas, & assiduitas in Lectionibus, repetitionibus, & exercitiis.

VIII. Fruantur Lectores sic electi, & confirmati, præcedentia, & præminencia, ac privilegiis, quibus Lectores actuales Theologiae potiuntur.

IX. Lector Contraversiarum binas ad minus singulis hebdomadis tradat in scriptis lectiones contraversiarum utiles pro dictis locis, ad quæ Alumni hujus Seminarii sunt destinandi, & post

vesperas earumdem habeat conferentias, frequentibusque exercitiis studentes instituat; Singulis verò mensibus tradita doctrinae disputationes habeantur, intervenientibus etiam aliis Lectoribus, & Religiosis ejusdem Conventus. Alii verò Lectores linguarum ter in hebdomada legant, & rerum, quas studentes docuerint, repetitionem ab eis exigant singulis diebus, quibus legere tenentur, per horam post vesperas auditores suos exercendo.

X. Prohibetur æque Lectoribus, ac Studentibus diebus Lectionum à Conventu egredi quacumque de causa, nisi expletis integrè lectionibus, ac exercitiis ea die, qua fieri debent, & in hoc Guardianus diligenter incumbat, & si Theses eadem die habeantur, Guardianus, si ita expedire videbitur, absolute licentiam denegat.

XI. Interdicitur pariter Lectoribus æquè, ac Alumnis Quadragesimalium Concionum cursus agredi, & solummodò permittitur Studentibus sermonem aliquem, aut concionem interdum infra annum habere ob aliquam occurrentem festivitatem, aut quadraginta horarum, ac similiter in mensa, vel in Conventu, ad hoc ut promti sint ad hujusmodi exercitium subeundum tempore Missionum; dummodò per id à studiis prædictis nulla penitus distatio sequatur.

XII. A lectionibus, repetitionibus, ac exercitiis utriusque studii, nemo profusus ex Studentibus, quocumque titulo, aut colore, eximatur, aut unquam permittatur abesse; & si quis neglexerit, à Guardianis corrigatur, idemque fiat, si aliquem negligentem in exscribendis lectionibus, aut in dictis studiis desidiosum reperiat, & tam Lectores, quam Guardianus de omnibus Superiorum Generalem, ac etiam Sacram Congregationem certificent.

XIII. Senis quibuscumque mensibus Theses Theologicae Illyricæ, seu altera lingua, & Latino idiomate habeantur, quibus Guardianus in efferre teneatur ad dignoscendos eos qui proficiunt, & monere debeat Patrem Generalem de iis, qui forsitan studio hujusmodi minus vacaverint, ut valeat, si submotis, alios subrogare.

XIV. Curet Pater Generalis aliquem Religionum deputare, qui ad ipsos Studentes singulis mensibus magno zelo, ac pietate Concionem habeat de Missionariorum muneris præstantia, deque peculiaribus ejusdem functionibus, quo spiritus Apostolicus in eis succendatur, ac maneat; erudianturque in iis omnibus, quæ ad illud congruè, & cum Dei gloria peragendum pertinent.

XV. Generalis Ordinis, vel ejus Vicarius, aut alter delegatus, si quibus quatuor mensibus saltem Studium illud visitet, & si Studentem aliquem minimè proficientem invenerit, aliqua poenitentia injuncta, eum ad propriam Provinciam redire jubeat, & eandem Congregationem de remotione moneat, aliumque quamprimum subroget.

XVI. Ultra verò prædictam Generalis visitationem, liceat Sacrae Congregationi ejus arbitrio aliquem deputare, qui Collegium prædictum visitet, & de statu, ac necessitate ipsius Collegii, & Alumnorum, deque eo um progressu certoret.

XVII. Singulis diebus Dominicis, & aliis festivis de præcepto prælati Collegiales in Ecclesia, vel in alio opportuno loco à Patre Generali destinando, explicent Catechismum Romanum, & unusquisque turnariè continet per mensem.

XVIII. Completo biennio abeant Studentes, quò à Sacra Congregatione destinati fuerint, quò si nullus tunc temporis sit in promptu Missionis locus, illis à Patre Generali aliquis Conventus deputetur, in eoque permaneant quousque

Onus Lectorum linguarum. Quo tempore lectiones faciendæ.

Quando facultas sit concedenda, aut neganda exundi à Conventu.

Lectoribus prohibetur susceptio aliorum munerum & Concionum Quadragesimalium, ut à Studentibus.

Superiores corrigant negligentes.

Quibus Mensibus, & qua lingua Theses faciantur.

Singulis Mensibus Concio faciendæ de Missionariorum muneris præstantia.

Visitatio faciendæ per Generalem, vel ejus Vicarium vel per alium delegatum.

Ultra dictam visitationem, liceat Sacrae Congregationi arbitrio aliquem deputare in Visitatorem.

Collegiales tenentur turnariè, & per Menses explicare Catechismum.

1710.

Pœna inobedi-
entium.

advenerit occasio Missionis, & Sacram Congregationem certiorer: Quod si aliquis illorum ad definitas Missiones renueret, aut negligeret accedere, arbitrio Sacre Congregationis plectatur.

XIX. Ut autem dicti Ordinis Religiosi aliquo etiam temporali, congruoque alliantur prœmio, animosque fortius intendant ad libentius semetipsos dicandos Sacro Missionum ministerio, ac consequenter studiis præfatis, veluti ad Missiones ipsas directis, tam Studentes, quam Missionarii respectivè his privilegiis, quæ sequuntur gaudeant.

XX. II, qui in Missione aliqua per integrum sexennium Præfati munere laudabiliter perfuncti fuerint, ad Lauream Magisterii promoveantur: Si verò in Religione dictam Lauream jam adepti fuerint, Patres Provinciæ declarentur. Alii verò Missionarii, si per novennium in Missione permanerint, eadem Magisterii laurea decorentur, & si fuerint in Sacra Theologiâ Magistri, Patres quoque Provinciæ instituantur, ordine tamen Sacre Congregationis præcedente.

XXI. Studeant Superiores Ordinis singula debita executioni demandare, in quibus eorum conscientias Sacra Congregatio onerat, relicta eorum arbitrio facultate alia tam disciplinam, quam studiorum profectum respicientia, supradictis tamen firmis remanentibus, statuendi, & cum approbatione Sacre Congregationis decernendi.

§. 2. Cum autem, sicut eadem expositio sub-
jungebat, Cardinales præfati, facta sibi per eundem Secretarium omnium, & singularum Regularum hujusmodi distincta relatione unanimi consensu illas approbantes, confirmandas esse censuerint; Hinc est; quod Nos inviolabili earundem Regularum robori, & efficacia providere volentes, supplicationibus eorumdem Cardinalium Nobis super hoc humiliter porrectis benignè inclinati, easdem præinfertas Regulas cum omnibus, & singulis in eis contentis auctoritate Apostolicâ tenore præsentium confirmamus, & approbamus, illique inviolabilis Apostolicæ firmitatis robur adjicimus, & omnes, & singulos juris, & facti defectus, si qui desuper quomodolibet intervenerint, supplemus, salva tamen semper in præmissis auctoritate memoratæ Congregationis Cardinalium.

§. 3. Decernentes easdem præfatas literas, ac Regulas hujusmodi semper firmas validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quando cumque spectabit, in omnibus, & per omnia plenissime suffragari, & ab eis respectivè inviolabiliter observari, sicut in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis, ac quatenus opus sit, præfati Conventus Assisien., & illius Ordinis, aliisque quibusvis etiam juramento, confirmatione Apostolicâ, vel quavis firmitate alia roboratis statutis & consuetudinibus, stabilimentis, usibus, & naturis, privilegiis quoque indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præfatis pro plenè, & sufficienter expressis, ac ad verbum inferis habentes, illis aliàs in suo robore permansuris, ad præmissorum effectum hac vice dumtaxat specialiter, & expressè derogamus, ceterisque contrariis quibuscumque. Volumus autem, ut earundem præsentium literarum transumptis, seu exemplis, etiam impressis,

manu alicujus Notarii publici subscriptis, & sigillo Personæ in Ecclesiasticâ dignitate constitutæ munitis, eadem prorsus fides in judicio, & extra adhibeatur, quæ adhiberetur ipsis præfatis, si forent exhibitæ, vel ostensæ. Datum Romæ apud S. Petrum sub annulo Piscatoris die 21. Januar. MDCCX. Pontificatus nostri Anno decimo.

F. Oliverius.

APPROBATIO

Et confirmatio Regularum Collegii, seu Seminarium Missionariorum in Conventu S. Bartholomæi in Insula de Urbe Ordinis Fratrum Minorum de Observantia nuncupatorum destinati.

CLEMENS PAPA XI.

Ad futuram rei memoriam.

Commissi Nobis divinitus Sacrosancti Apostolatus Officii ratio postulat, ut illis, quæ provido consilio pro Collegiorum, seu seminariorum, in quibus Religiosi Viri ad Christianam fidem, Catholicam Religionem propagandam mittendi opportunè instituantur, salubri directione, felicique progressu constituta esse noscuntur, quò firmius subsistant, & serventur exactius, Apostolici muniminis adjungamus firmitatem.

§. 1. Aliàs siquidem Nos juxta Decretum, quod prius, nempe in Congregatione Venerabilium Fratrum Nostrorum Sanctæ Romanæ Ecclesiæ Cardinalium negotiis Propagandæ Fidei præpositorum die tertia Octobris MDCCVII. coram Nobis habita edideramus, dilectis Filiis quorundam Religiosorum Ordinum Superioribus præcepimus, ut omnino, ac quamprimum suo quique in ordine Conventum aliquem, veluti pro Seminario Missionariorum, ad instar Seminariorum, seu Collegiorum in Sancti Pancratii propè, & extra muros Urbis Ordinis Fratrum Beatæ Mariæ Virginis de Monte Carmelo Discalceatorum nuncupatorum, ac Sancti Petri in Monte Aureo de eadem Urbe Ordinis Fratrum Minorum Sancti Francisci de Observantia Reformatorum etiam nuncupatorum Conventibus respectivè institutorum deputarent, in quo diu, ac diligenter vocatio, & spiritus eorum, qui Missionibus destinarentur, probaretur, ipsique etiam ibidem de omnibus, quæ ad hoc Apostolicum ministerium cum laude, & fructu exercendum utilia, ac necessaria forent, plenè instruerentur; quatenus verò in aliquo ordine Conventus hujusmodi destinatio ad hunc effectum tantum non tam cito fieri posset, donec ea fieret, ea omnia in aliquo Conventu, vel Domo ejusdem Ordinis, ubi Regularis observantia magis vigeret, executioni mandarentur.

§. 2. Porro in præmissorum implementum, sicut præfati Cardinales Nobis nuper exposuerunt, novissimè in Conventu Sancti Bartholomæi in Insula de Urbe præfata Ordinis Fratrum Minorum Sancti Francisci de Observantia nuncupatorum novum Collegium, seu Seminarium pro Missionariis hujusmodi erectum, seu destinatum, nec non Dormitorium pro duodecim Religiosis ad loca Terræ Sanctæ, & aliàs Missiones expediendis assignatum fuit, ac insimul nonnullæ Regulæ pro novo Collegio, seu Seminario hujusmodi confectæ, illæque ipsi Cardinalibus, ut ab iis confirmarentur, exhibitæ fuerunt tenoris, qui sequitur, videlicet: *Regulæ, & provisiones pro novo Collegio, seu Seminario Minorum Observantium*

1710.
Transumptis
eadem fides
adhibenda, ac
præfatis

CX.

Procemium.

Causa erectionis Collegii, seu Seminarium.

Erectio Collegii in Conventu S. Bartholomæi in Insula.

Regulæ, & provisiones pro novo Collegio, seu Seminario

Privilegia post reditum ab aliqua Missione.

Superioribus demandatur singulorum executio.

Summus Pontifex præinfertas Regulas approbat & confirmat.

Cum decretis roborantibus, ac irritantibus.

Et amplissimis clausulis derogatoriis